

Tiara Air a lanza su Jingle!



DIARAZON anochi nos compania local Tiara Air a introduci su jingle na prensa y su empleadonan di benta den The Turtle's Cove.

Tiara Air despues di a evalua den ki rumbo kier a hiba su promociónnan a dicide di dal un stap y bay pa un jingle cual ta moderno,

Cu ta capta chikito y grandi nan atencion y alabez tin un ritmo Caribense y sigur p'esaki a escoge nos artistanan local pa por produci esaki.

Tiara Air ta hopi contento cu e producto cu a presenta y sigur contento pa ta apoyando nos talentonan local un biaha mas. Ta trata di Basic One, Janiro Eisdén y Jonathan Thiel "Biggy Boy" conhuntamente cu Abigaél Arends di Departamento di Mercadeo, a logra trece un producció cu ta cubri tur e rekisitonan cu Tiara Air tabata busca pa nan jingle.

Janiro Eisdén cu tambe ta un figura hopi conoci pa su musica aki na Aruba, Bonaire y Corsow ta un 'frequent flyer' di Tiara Air cu a haci su producció hopi

mas facil ya cu el a experiencia e lema di na ora, comodo y simpatico. A presenta promoció cu Tiara Air ta haciendo na su destinacionan di Aruba, Bonaire, Corsow, Riohacha, Colombia y Punto Fijo, Venezuela. Tambe por a admira gruponan manera Miss Teen y Miss Aruba cu tambe Tiara Air a duna apoyo y treciendo nos islanan cerca.

Ruben Garcia hunto cu Erin Croes cu su programa Na Drem-pel di Fin di Aña na Magic FM tambe tin e honor di ta transmitiendo esaki live for di The Turtle's Cove y a lansa e jingle aki trece esaki na tur oyentenan na Aruba y sigur studiantenan na Hulanda y Merca cu ta leu di cas.

Momento culminante di e anochi ta ora cu Basic One a entrega e CD cu e jingle na Alejandro Muyale kende t'e Director General y Camilo Muyale Director di Benta y Mercadeo conhuntamente a bautiza e CD y por a scucha e jingle cu ta otro logro pa Tiara Air cu lo wordo pasa na tur radio.